



江蘇省地方志編纂委員會辦公室 編

江蘇歷代方志全書

27



江蘇省地方志編纂委員會辦公室編



鳳凰出版社

江蘇歷代方志全書

27

省部

常州大學圖書館
藏書章

ISBN 978-7-5506-2279-1



圖書在版編目（C I P）數據

江蘇歷代方志全書. 省部 / 江蘇省地方志編纂委員會
辦公室編. — 南京：鳳凰出版社，2015. 11
ISBN 978-7-5506-2279-1

I. ①江… II. ①聞… ②陳… III. ①江蘇省—地方
志 IV. ①K295.3

中國版本圖書館CIP數據核字(2015)第252778號

- 書 名 江蘇歷代方志全書·省部
編 者 江蘇省地方志編纂委員會辦公室
責 任 編 輯 王 劍 王愛榮 吳 瓊 顧 娟 崔廣洲
裝 幀 設 計 姜 嵩
出 版 發 行 鳳凰出版傳媒股份有限公司
鳳凰出版社(原江蘇古籍出版社)
發行部電話025-83223462
出版社地址 南京市中央路165號, 郵編:210009
出版社網址 <http://www.fhcbs.com>
經 銷 鳳凰出版傳媒股份有限公司
印 刷 揚州文津閣古籍印務有限公司
揚州市開發區鴻揚路22-2號(6幢), 郵編:211153
開 本 889×1194毫米 1/16
印 張 1863.25
版 次 2015年11月第1版 2015年11月第1次印刷
標 準 書 號 ISBN 978-7-5506-2279-1
定 價 39200.00圓(全四十九冊)
(本書凡印裝錯誤可向承印廠調換, 電話:0514-87969255)



江蘇備志稿（十七）



吳廷燮纂

第二十七冊目錄

江蘇備志稿（十七）

.....

〇〇一

江蘇備志稿

卷六一
邦交記七





邦交記

同治下

奏再二月初二日接准法國公使照會內稱江甯地方早經肅清此後須照續增條約第六款將江甯地方安置埠頭為通商之所望行知江蘇巡撫轉飭地方官於本國總領事派員到日務須幫同妥辦等因臣等查法國條約內載議定將江南之江甯准令通商俟官兵將匪徒勦滅後法國官員方准本國人領執照前往通商等語現在江甯雖經肅清一切情形臣等未能懸揣惟該使既請租地通商自應按照條約辦理應俟命下之日臣等照覆法國公使查照並行文兩江總督江蘇巡撫轉飭地方官斟酌妥辦總期於中外商民兩無窒礙以副國家一視同仁之至意再繕摺問又據英國威妥瑪照會請在江甯租地通商與

法國所請情事相同相應照錄照會一併進呈御批依議

同治四年二月初八日 恭親王等

奏同治四年四月二十二日由軍機處交出江蘇巡撫李鴻章奏奉天等處雜糧米穀請准內地商船與北洋豆貨並行販運一摺奉旨該衙門議奏欽此英國公使卜魯士照會商請開禁臣等力持以為禁不可開曾與辦理三口通商人臣崇厚往復函商若萬不得已亦止可准其用內地沙船裝載由此口運至彼口照章收稅仍不准出洋然尚未肯遽行照辦一面仍向該公使力為阻止該使照會始允豆石豆餅照舊後條約第五款專條辦理此事已作罷論嗣因杭州甯波相繼失守賊勢鴟張並有製造兵船潛謀入海之信經江浙兩省紳士公呈籲懇約外國助剿內稱兩省羣黎因在水深火熱之中痛切剝膚待拯情

迥等因復據原任刑部尚書趙光奏以賊情詭譎北竄宜防並稱舉
大事者不計小利若能借彼外援攻克江甯蘇杭三省則海口各稅不
妨概予蠲除等語適又接卜魯士照會以豆貨解禁則商民生意興
旺各該國無不協力保衛彼時上海洋商信息與該公使來往關通
卜魯士之復請開禁正在江浙紳士請約外國助勦之時因思洋人
叵測我若拒之過力不獨不為我用且難保不轉而與賊潛通又以
助勦之議眾論皆同而趙光又有輕論既資其協衛防其通賊不得不
為寬大以示羈縻是以於同治元年正月間奏明請暫開豆之禁以
結其心而資其力當經奉旨允准復與該使議定層層收稅豫留
華商覓利地步是臣等於請開豆禁之禁並未敢因趙光有海口各

稅概予蠲除之言竟置闕稅商計於不問嗣於是年六月經李鴻章奏稱沿海居民生計壅阻或各口玉石生意准外國商船貿易專將上海一口歸內地商人運銷經臣等給英國公使照會與之駁辯旋准英使照覆以甯波乍浦之賊未能備船駛北皆因本國水師禁止正在多方相幫貴國又欲復設前禁未免有失機宜云云並據威妥瑪面稱現在英國撥兵在上海勦賊餉無所出商人恃此款以濟軍需俟將來賊匪稍平再行議辦等語臣等因江南軍務漸有端倪恐執約力爭又復多生枝節擬俟江浙肅清再與英使商辦於二年十一月覆奏亦在案上年九月據李鴻章奏上海沙衛等船資本虧折船隻朽壞生計竭蹶請仍照約禁止玉石出洋等因奉旨交臣衙門議奏維時臣等以金陵

雖復沿海未見肅清彼尚以洋兵防守口岸所需兵費不貲為詞未
便遽與議及是以先行咨覆李鴻章再行辦理滿擬軍威既振沿海蕩
平可期不料賊氛遠竄而閩粵兩省現又借彼聲援揆度情形實難
再與籌議是以至今尚未具摺覆奏茲李鴻章諭知牛莊等處豆石
業准洋商販運以後能否挽回殊無把握請將奉天等處雜糧米石
與豆油餅一律歸內地商船販運以為補救之計並稱船商得利稅
捐可期起色海運沙船不到缺少於籌運漕均餉有裨益臣等公同商
酌該撫所請奉天等處雜糧米穀准內地商船與豆等一同販運一
節係為體恤商情兼顧漕起見應如所奏辦理御批依議

同治四年五月初一日 李鴻章

奏臣派常鎮道潘鼎新統領淮勇十營內有開花砲隊一營由滬航海
赴津馳奏在案此次許彭壽等請飭解開花砲與臣所籌不謀而合並
據崇厚奏請調派戈登舊隊仍可邀同外國人幫同統領等語查從
前中國將弁於洋槍開花砲未諳施放不得不用洋弁管帶本屬一
時權宜挾制要求既不能免牢籠駕馭亦未易言總須主兵者兵力
自強方能操縱由我用彼而不為彼所制苟在我稍有把握即不必假
以重權江蘇之常勝軍原係外國人幫同統領波瀾迭出糜費滋多且
與洋人交涉各事均受牽制嗣戈登去後所存洋槍隊十人以余在榜
將分袁九皋兩副帶而統於潘鼎新其接手之兵官暫止予以教練虛

名俾約束各兵頭不准干預營事故兩年以來已夏禮雖局外數數饒舌哲貝等尚恪守規條潘鼎新所部另有開花砲隊一營上年攻拔歲舍湖州等處迭著成效復逐漸添置砲具朝夕操練已臻純熟該營向募有漢人隨營教習由該道卽制調換糧餉均有定章不至藉口要挾自無庸另派管帶其餘在榜所帶洋槍隊五百餘人袁九皋所帶三百餘人連餘丁計共一千餘名卽係戈登舊部駐紮青浦之鳳凰山已夏禮以人數太少屢請增添臣力持不允亦以潘鼎新全軍分駐松江塘橋本有輪換教練之議今潘軍既經北調該處僅存此營戈登已夏禮原議以此專防上海若再抽調不足以贍服外人之望臣飛飭丁日昌體察情形一面豫籌募補一面妥商已夏禮等如可將余

在榜一營交潘鼎新統帶北去兵力較厚余在榜同該營兵勇已熟悉洋人槍砲火箭用法亦毋須洋弁管帶前往致難鈐束惟此項弁勇因牽涉洋人向須按月發餉不能絲毫拖欠若調令出省遠勦勢難由滬接濟臣前已將潘鼎新月餉請由直東分濟即邀俞允各該省未知能否照辦若再加以洋人所練槍隊一營正恐撥款難靠必致誤事應請預飭總理各國事務衙門會同戶部逐細籌畫知照遵辦丁日昌到滬年餘情形愈熟聲望日孚刻值臣軍四出援勦各路糧餉子藥轉運接濟根本多在滬上以及雇備潘鼎新赴津輪船籌補鳳凰山教練勇額購辦外洋軍火在在關繫緊要全賴丁日昌督率籌辦方無貽誤萬不能離滬北上其所設上海製造砲局向由該員經理潘鼎

新此行約攜帶大小開花炮子一萬餘顆蘇滬各局存儲尚多仍可隨後運濟止路縱有大戰事足供施放臣嘗與洋弁討論火器稔知巨砲攻城劫營最利而用子最多至平原曠野行陣自隨止須十二磅九磅六磅此砲及田雞砲較為輕靈又若不能及遠以之驚亂賊騎虛張聲威自可制勝惟陸路轉運費力究不若水路之進退自如則用亦必不能多臣仍飭潘鼎新到直東後察酌情形稟商崇厚等如應設局製造即妥議章程再由臣飭商丁日昌酌派該局熟練之員帶領匠役器具由輪赴津開局鑄炸彈以資應用容俟籌商定議再行覆奏頃據丁日昌稟稱天津輪船雇價比前赴廈門較貴勿遽之間洋商居奇未能定雇多隻臣仍督催籌辦俟稍就緒即駛赴